

# 二月Feb 2023 BNOhub's Monthly Newsletter

LOVE IS IN THE AIR.....




## 愛情白麵包，有情飲水飽？

愛侶、老伴、一家大細.....大家因著種種原因黎到英國生活。可能礙於工作機會、社會競爭、語言障礙，大家會覺得有D悞惶無助。但其實機會處處，就算未必可以做番老本行，大家都千祈唔好放棄，可以作出新既嘗試，試下新既行業都可以殺出新既血路。



去唐人街新年慶祝活動，見到佢地招聘消防員，仲好歡迎香港人申請！當日既攤位都有位華人消防員做宣傳！英國消防員年薪由£24,191至頂薪£32,244。投考消防員要18歲以上，通過體能測試、身體檢查、持有車牌等。



我地都同駕駛學院創辦人Chris Kelly傾過。佢地好有興趣招聘教車師傅，雖然要過三關，但專業既工作換來係日後可觀既收入。教車師傅工作時間自定較自由，月入可高達£4000-£7000（當然要再扣保險+油費+維修等）！遲d會開個zoom，講解英國入行教車師傅既資訊，敬請留意啦。



Roger上個月同左偉盧總商會既營運總監Patsy Crocker會面，了解更多有關偉盧既營商機會。作為Wirral Council既合作夥伴，商會提供全面既支援服務，包括：創業諮詢服務、共享辦公辦室、會員網絡同融資機會。Mrs Crocker強調為偉盧居民提供免費創業諮詢既好處，並解釋 Woodside Ferry 既週末市場，大家可以優惠價租一個攤檔黎測試產品既營銷。任何有興趣創業既會員都可以通過 BNOhub 或自己直接聯絡商會。祝所有創業者成功！



### ENGLISH CORNER 趣味英語

'I popped the question to Louise last night. She said YES!'

"To pop the question"  
To propose 求婚



我好幸運做番老本行，近排都將  
會可以係一龍校幼稚園到開始  
兼職工作，點既一龍校幼稚園到  
究竟係點，都要等學校幫我申請  
聘，又要自己搞香港良民證，都  
文野要處理。就可以繼續係英  
至於其他時間，就可以繼續係英  
國營運BNOHUB，用自己既技能  
作出更多新嘗試同體驗，幫更多  
香港同路人。



# 與你浪漫約會，情定一生

## 最浪漫日落觀賞點



### Cubbin Greens, Wirral

我地好鐘意黃昏黎漫步沙灘睇日落，佢水灘位置會形成天空之鏡好靚！

## 最靚景酒吧



### Oh Me Oh My, Liverpool

室外頂層酒吧四月至九月開放，可以睇住Liverbird Building，飲番一兩杯打卡一定要做的事吧。

## 首選靚女下午茶



### Panoramic 34, Liverpool

星期二至日，人均消費£25下午茶，可以喺34樓居高臨下，睇住lego般既街景，食住英式下午茶，愛人實鐘意啦！

## 刺激好玩約會



### Arcains, Liverpool

每人£12-18入場費，可以任玩曬兩層遊戲。岩曬年青活力既情侶又或有小朋友既老夫老妻一齊黎重拾樂趣。

## 世一牛扒屋 Hawksmoor Liverpool

情人節就快又到啦，係時候要Book定餐廳拍拖！要感受浪漫既氣氛就梗係食西餐「鋸扒」，為另一半訂好扒房，最好仲係靚景餐廳，就即時加分！今次我地精選左第一好味既牛扒扒房！

Hawksmoor既倫敦分店贏左2022年全世界最好既牛扒扒房餐廳，岩岩10月佢就喺利物浦開分店。呢間扒房座落喺二級歷史建築既India Buildings入面，餐廳用左d銅質裝飾同鏡，保留本身建築既原有特色，份外有特色同格調。

扒房既牛扒來自傳統全國各地既小農場，牛隻經過手工屠宰並熟成35日，重量減輕但風味同嫩度就大大提升，做到「世一」牛扒！

Hawksmoor, 8 Brunswick St, Liverpool L2 0PL, 0151 294 6710

